

- 1237 В лето 6745-го. Прииде с восточныя страны царь Батыи на^х Рускую землю ратью со многими силами лесом,^ч без вести,^ч февраля в 7 день, на память святого отца Парфения, в неделю мясопустную. И бысть брань велия. Разгневанием божиим поплени и высече князи руския и всю землю Рускую. Тогда убиша князя Юрья Всеволодовича з детьми и братаничи, а град Владимир ||
49 об. сожгли и многи грады плени: Рязань, Коломну, Муром, Суздаль, Юрьев, Ростов, Ярославль, Кострому, Переславль, Москву, Волок Ламскою, Дмитров, Тверь, Кашии и ины многи городы. И не дошед до Новаграда ста верст.
- 1238 В лето 6746-го. Прииде из Великого Новаграда на великое княжение в Володимер князь Ярославль Всеволодовичь, брат великого князя Юрья Всеволодовича. На свое место оставил в Новеграде сына своего князя Александра. ||
- 1243 л. 50 В лето 6751. Иде в Орду к царю Батыю князь Ярослав Всеволодовичь и прииде из Орды пожалован.
- 1244 В 52 лето. Князи руския поидоша: князь Володимер Коньстянтинович, князи Борис да Глеб Васильевичи, князь Василен Всеволодовичь про^ш вотчины, их пожаловал.
- 1246 В лето 754.^ш Князь Святослав Всеволодовичь поиде в Орду про свою вотчину, и пожаловал иво царь Батыи. ||
- 1247 50 об. В лето 6755. Убиен бысть в Орде князь Михаилу Черниговской и боярин его Феодор за веру христианскую от безбожного Батыя царя.
- 1248 В лето 6756. Князь великий Ярослав Всеволодовичь поиде второе в Орду к Батыю и представись в Орде нужною смертию.
- 1249 В лето 6757. Князи руские на Портве литву побили. Тогда же убиен бысть князь Михаилу Ярославичь Володимерьския. ||
- 1252 л. 51 В лето 6760. Прииде ратью Неврии салтан^б и прогна князя Андрея Сузьдальскаго за море.
- 1257 В лето 6765. Приидоша князи руские к царю Батыю в Орду, чести Улучивая, и возвратишась от царя Батыя пожалованы.
- 1248 В лето 6756. Взяша татарова всю землю Литовскую. Тое же зимы посла царь Батыи на . 51 об. Русь князи своих и дьяков,^м повеле изчести и пе||реписати всю землю Рускую и ^б-только не писати,^{-б} кто служат у церкви божиых.
- 1259 В лето 6767. Князь Александр Васильевич из Новаграда прииде в Володимер на великое княжение.
- 1262 В лето 6770. Бысть посечение на бусорман по всем градом руским и побилша татар, не терпяще насилия от них, занеже умножишась татарове и по всем градом руским ясячники живуща, не выходя. Тогда же Зосиму убиша, злаго преступника, в Ярославле. На Устюге бысть язычник л. 52 Багун багатырь. И взял || у некоего христианина дочь девицу насилнем за ясак на постелю. И прииде на Устюг грамота от великого князя Александра Ярославича, что татар побивати. И девка сказала Багун. Он пришед на вече³ и добил челом устюжаном на их воли креститься, а з девицею венчаться. И наречено бысть имя ему^ю Иван. Се бысть чудо дивно. И сеи Багун-Иван сед на конь и поиде с соколом на утицы. И бысть во утри день красен. И одержим бысть сном. И взыде на гору, и слез с коня и привязал за древо, а сокола посади на луку седла, а сам ляже на землю и усну. И явись ему во сне Иоани Предотеца, глаголя: «На сем месте поставь церковь во имя мое. И встав от сна своего || и повеле на том месте поставити церковь во имя рождства Иоанна Предотеца, еже зоветца на Соколы горе.
- 1264 В лето 6772-е. Седе на великом княжении в Володимере князь Ярослав Тверьский.
- 1265 В лето 6773. Преставись в Володимере князь Ярослав Ярославичь, и княжи сын его князь Михаилу Ярославичь.
- 1269 В лето 6777. Князь Дмитрен Александрович с новгородцы, а со псковичи князь Домант побил немецкую многую землю.^я Воевода их был тогда Великая Свинья.